

国朝耆献类征初编



國朝耆獻類徵初編卷二百二十九目錄

守令十五

王承曾

徐時作

王植

伍澤榮

弟澤梁

陳世俊季弟世隆

貴金馬

孫逢甲  
覃志京

陳梯子在璣  
陳長鈞

顧世琚子昌運昌述

邵建徵

鄭鼎勳

楊一正

王時翔

汪澐

睦文煥

蔣鳳也

周中鉉

楊稷

王裕疆

李方膺

左基

王夢弼

吳開

程密

補錄

王時翔

國朝耆獻類徵初編卷二百二十九

通奉大夫前署江西巡撫江西布政使司布政使湘陰李桓輯

守令十五

王承曾

古期喪皆得去官持服賈逵以祖父戴封以伯父韋義揚仁以兄  
譙元以弟陳重以姊輕組綬而重喪服具得以伸其哀明洪武定  
承重祖父母丁憂之制 皇朝乾隆詔令遇本生親喪得離任持  
其所降服所以教天下以孝曲體人子之哀思俾風俗駸駸復古  
民德歸厚也十七年河南武陟令王君冒穀以本生父梅川府君  
憂去官服喪服稽顙乞予文以表墓予於君爲同年友君以爲人

後不得持三年喪貌黝然哀毀義不可以辭按狀府君諱承曾字  
嗣徽梅川其號系出太原由茂陵遷醴泉副康熙甲午鄉榜雍正  
甲辰舉於鄉丁未以會試明通榜授岐山教諭六年考最中丞碩  
公薦升甘肅崇信令乾隆丙寅攝高平甲子爲皋蘭武闡參詳官  
戊辰以疾致仕今年七月九日終於籍享年六十有七文思夙敏  
瞻所著有克己集蠡測集游洪堰小草三龍集茵谷集藏於家其  
令崇信也地故瘠民貧且愚男女不知耕織乃規度城北汭河夾  
岸可營水田捐工勸墾開引水渠灌稻畦百頃餘歲收豐稔又刻  
紡織圖說製百紡車散民間教之婦功民衣食以饒初居民市瓜  
蔬率遠走得之涇州平涼吉貝之布值等執帛不兩年諸物充牣

他邑且駢集趁虛雜樹陰濃蔚然映城堦廬舍嚴保甲境內厯不  
夜吠禮教聿興絃誦之聲戶接進膠庠士導以修行明經口洮洮  
不倦如司教岐山如家居爲文社師如爲邑書院山長時士風大  
振崇信歲歉代輸民賦千金眾歡呼且雨泣聽事必攄誠感動訟  
以平攝高平亦如之中間中丞黃公特列薦牘格不行總制尹公  
特器重謂可御史未及薦移節去上官同寮交口稱碩人長德鄰  
境涇州靈臺被波潤躋堂頌祝謝政後數年舊民猶自其邑詣門  
羅拜對涕洟戀戀若赤子慈母之不忍捨嗚呼此豈可倖而得之  
與會祖諱九牧前明進士官曲沃令祖諱蔭啟考諱孫璋諸生妣  
張氏官教諭時得地 贈娶汪氏以冒穀前令臨漳得 封如本

階子三長卽冑穀出爲後癸丑進士官縣令次冑構監生早卒次  
冑穫監生女一孫一孫女四冑穀所後祖考諱孫瑋三娶元配張  
氏繼李氏繼劉氏劉太君年十九而寡無可後待十餘年而冑穀  
生撫爲嗣孫得 天旌五世祖妣閻太君祖妣張太君並守苦節  
得 旌載省邑誌人云王氏三世貞節云曲沃公釋賈大司馬漢  
復爲諸生時冤獄官軍圍醴泉公縋城見大帥辨白賈大司  
馬亦疏救一城民賴以全闖賊入關不污僞命被榜掠索餉尋知  
公清介義釋之其家世濟美有自來矣夫爲善無不報貞節之後  
忠孝之門率多光昌府君爲吏開衣食之源大興教化厥功懋焉  
冑穀仕遵治譜闢養堂迎事於鄴之治所居喪不以降服減悲哀

於以見府君之光裕時隆事皆足以爲俗之勸也乃表於某原之  
阡使觀者興起焉

右墓表桑調元撰

古學文氣隨元氣

古學清氣隨元氣

以見南宮之天谷也

徐時作

建甯筠亭徐君與余爲鄉會同年友已而出莅州縣宦成名立年未及艾遽引告歸歸三十餘年其孫家恆以君書至蘇州謁予索予文介君八十壽予因得讀君所著書並悉君生平行事越一年而君之族人以赴至發之得家恆書具行狀乞銘君之墓予旣重君之爲人又以家恆請弗克辭按狀君諱時作字鄴侯世居邵武建甯縣祖中安父必藻皆 贈奉直大夫祖妣鄒氏妣余氏皆贈宜人君八歲喪父少長能自厲於學家貧從諸戚友借書鈔之一日讀范文正公集慨然慕之曰諒爲丈夫當如是矣雍正四年舉於鄉明年成進士居四年選知直隸成安縣又二年調邢臺四

年調清苑一年餘升開州又二年調滄州以太宜人老乞養歸君爲政灼知人情因其欲惡而除布之謹持大體不撓於私不屈於勢其所至民咸安之初任成安清河邨舊爲漳水所侵多荒地浮糧折銀三百餘兩責居人歲償之四十餘年矣君造魚鱗冊履畝以量釐其隱者而豁其荒者田賦平在邢臺有韓德者以符水治病有驗居民信之母死葬西山送者眾營官以邪教聚眾白制府飭太守調兵急捕之太守以告君君曰西山民頗愿決無事請單騎驗之遂往毀其墓廬以德歸白制府予杖責而已未幾任縣民亦有以邪教逮者相牽入獄者二百人多自斃太守嘆曰吾今知民命之縣於令也微徐君西山之民殆矣其調清苑也甫至會大

水放賑常平倉穀半紅腐制府欲令屬吏蠲俸補之君力言不可  
制府怒厲聲色訶君君不爲動徐起趨出翌日召君入謂曰子言  
良是行別籌之制府者李公衛也已而李公告其屬曰是人乃敢  
逆我異哉清河道貴倨使氣好冒人君抗言折之亦默然而屈已  
而李公卒孫文定公代聞君彊直特疏薦焉其在滄州時清戶籍  
申鄉約旗兵當春乏食以倍息貸民間粟君請於上官發官倉以  
貸免其息他所至修學宮新諸祠宇愛護諸生始終未嘗笞一人  
以事至者曲爲導諭而已君旣去官而邢臺民思君尤至建生祠  
歲時致祭不絕蓋君之施於官者如此君在家以周官六行爲鄉  
人倡置祭田千畝兄弟三人授田各數百畝宅各一區又爲族

人置公田三百畝已而卽縣中倡建濰川書院立學約資諸生膏火復以赴鄉會試者苦道里費倡與賢會設誠鼓勸風動鄉里數年閒積田至三千畝他所捐以濟眾者先後約金數萬計平居節縮衣食倉中積穀率萬石穀貴則平價糶以是建甯貧民無凶年憂君之施於家者如此古之嗜退者動曰貴不如賤富不如貧予謂不然富如君斯可以富矣嗇於己而豐於人不距其至而不匱於施古之善取予者蓋如斯矣且以君之善於其官知其取之之有道也知其決不至瘠民以自肥也富與貴又足爲君累乎君所著崇本堂詩文集及諸記錄共數十卷卒年八十有一爲乾隆四十二年某月日將以某年月日葬於縣東北山之阡配余宜人

先君四年卒今合窆焉子八人光英太學生光義縣學生光達光  
顯俱早殤光美光義例貢生光善府學生光朔女子四人長殤一  
適太學生邱洪紀一適縣學生康誥一未字孫男五人長卽家恆  
廩貢生次家泰縣學生次家升家豫其一早殤曾孫三人顯璋顯  
琮顯璠銘曰  
我所思兮灘之陽嗟三十年半行藏北山有宅君所藏銘斯墓兮  
永不忘

右墓誌銘彭啟豐撰

公諱時作字鄴侯號筠亭其先系出漢季徐孺子後宋時由撫州  
臨川遷居福建建甯縣西九十里曰小嶺下後又遷縣郭之北故

世爲建甯人公八歲失怙卽能自勵於學稍長母余太宜人與伯兄時伯內外交督教之學益勤家貧無所得書則從諸戚友借書手自纂錄誦讀之一日讀范文正公文集考論其行事慨然歎曰讀書人宜如是也自是立心制行一以文正爲法雍正丙午舉於鄉明年成進士漳浦蔡文勤公欲保舉任京秩以願歸家更讀書辭焉居四年選知直隸之成安縣又二年調邢臺又四年調清苑任清苑一年餘升開州又二年調滄州在滄州一年以太宜人年高歸養是時公年方四十九公爲政以人心風俗爲本順民之所欲而興革之所至則修學舍葺忠孝節義諸祠以風厲眾庶聽獄訟立時審決庭無畱獄暇則與士子講論學業在官十二年未嘗

辱一士卽有敗行者以至誠訓誨之俾自悛改而已故公所至士民咸安之去則謳思而追慕之建祠勒碑以志遺愛不能忘也初任成安前署令蕭夢簡以平糶爲制府所劾坐以侵蝕追贓賠償蕭實貧無所得贓顧已誣服矣縊於獄至是委公覆審公審得其實不得已委曲爲輕其贓而代之賠償更資送其母子還鄉同官悉感歎焉邑清河村爲漳水所侵有棄地浮糧條銀三百餘金舊業戶受賠累者四十餘年公爲清查地畝編造魚鱗清冊按畝徵收舊戶免賠累而徵額亦得不廢在邢臺民有控牧羊戶盜其羊者公憫牧羊戶之貧而老薄責之控者不能平復愬之府已而其人以符水治病母死送葬多人武弁謂是邪教聚眾密報制府調

兵嚴捕之公力爲昭雪民以無事龍泉寺奸僧與其徒爭產銜恨積年募得游方僧二人戕殺之抉其目先是其徒占廣東流民地涉訟公旣審而杖之矣至是得其死狀僧眾又羣訟流民公廉得其實遂捕游方二僧決讞而置奸僧於法其矜察冤獄多如此又嘗力請豁免水衝沙壓地畝銀之累民者凡二百二十餘兩此皆邢臺政績之尤卓卓可紀者其調清苑也屬保定首邑甫至會大水放賑而常平倉粟半朽腐制府欲派屬攤補公力爭以爲不可制府初不然其言卒乃賢之爲別籌焉又以白事忤監司意不少屈是時制府宮保李公衛也已而李公薨合河孫文定公代其任賢公抗直特疏薦升知開州治開州二年除盜安民民以甯謐時